

卷之五十五

明倫彙編 家範典 孝行典

孝友傳 孝友傳 孝友傳 孝友傳 孝友傳

孝友傳 孝友傳 孝友傳 孝友傳 孝友傳

孝友傳 孝友傳 孝友傳 孝友傳 孝友傳

孝友傳 孝友傳 孝友傳 孝友傳 孝友傳

孝友傳 孝友傳 孝友傳 孝友傳 孝友傳

孝友傳 孝友傳 孝友傳 孝友傳 孝友傳

孝友傳 孝友傳 孝友傳 孝友傳 孝友傳

孝友傳 孝友傳 孝友傳 孝友傳 孝友傳

孝友傳 孝友傳 孝友傳 孝友傳 孝友傳

孝友傳 孝友傳 孝友傳 孝友傳 孝友傳

龍錄卷五十五

明刑部員外郎仁和弘齋邵經邦學

皇清翰林院侍講學士四世孫遠平校閱

旌德 唐十一之一 忠節

劉感

王行敏

盧士敏李玄通

羅士信

李育德

李公逸張善相

敬君弘

高叡

子仲舒妻秦氏

許欽寂

弟欽明

成三朗

尹元良

王孝傑

蘇安恒

俞文俊

安金藏

王同皎

孫潛燕欽融郎岌

顏真卿

從兄杲卿春卿從子杲明袁履謙

賈循

父會從子隱林

張巡

許遠

南霽雲雷萬春姚閏

劉感岐州鳳泉人後魏司徒高昌王豐生之孫武德初為驃騎

將軍鎮涇州薛仁杲舉兵圍之嬰城拒守會城中糧盡殺所乘

馬分啖將士衆感泣以馬汁和木屑吞之舉無降意城再陷值

長平王叔良來救賊乃解去復與叔良出戰爲賊所執還再陷城驅感至城下令語城中援軍已敗徒守何益宜早出降以全家室感僞諾至乃大呼曰賊大饑亾在朝暮秦王數十萬衆且至城中勿憂各宜勉以忠節仁果大怒開窟埋半身土中環而射之至死聲色益厲賊平高祖購得其尸祭以少牢贈瀛州刺史追爵平原郡公食二千戶謚忠壯詔子襲封賜以田宅

王行敏并州樂平人隋末爲盜歸高祖拜潞州刺史遷屯衛將軍劉武周寇并州上黨取長子壺關刺史郭武懦不支帝遣行敏馳往旣至與子武不叶會有告其謀反遂斬之賊聞悉備倚空乏州民陳正謙素以信義稱鄉里出粟千石濟軍人乃自奮賊去後收寶建德兵於武陟武德四年督兵徇燕趙與劉黑闥戰一軍以輟之旣而釋甲不設備爲黑闥所掩縛致麾下終

死西向跪曰臣之忠惟陛下知之帝聞而痛悼又有
潰士叙者與高祖舊附亂客韓城結納英豪聞義師起率衆數
百上謁汾陰使兒子諭降割賊孫華又與劉弘基敗隋將桑顯
和於飲馬泉擢累右光祿大夫爲瀛州刺史黑闥遣輕騎破其
郭士叡率衆拒戰衆見親屬係鹵皆無鬪志乃潰士叙爲賊禽
欲使說下城堡不從見叙又藍田人李玄通爲隋鷹揚郎將
率所部歸義拜定州總管亦爲黑闥所破愛其才欲用爲將冀
曰吾荷國恩作藩東夏孤城無援遂致陷敗當守臣節以忠報
上烏能降志臣賊耶拒而不受囚之故吏有餽餉者縱飲一醉
紿執刀守者曰吾能舞劍可試一觀守者偕與之乃慷慨悲歌
曲終仰天太息曰大丈夫撫方面不能保所守尚何面目存息
世間耶潰腹而死帝聞爲流涕擢其子伏護大將軍

羅士信齊州歷城人其人軀短而悍大業中長白山賊王薄左才相孟讓寇齊郡通守張須陁率兵討擊士信年十四請自効須陁視其形容疑不勝甲士信怒請被重鎧其左右韃上馬願戰須陁許之擊賊維水上陁纔外執長矛馳入賊營刺殺數人斬一酋擲於空中以矛承之戴以畧陁賊皆披靡無敢亢因而奮擊賊衆大潰每斬一級輒取其鼻納懷中還爲驗須陁歎賞卽以所乘馬遺之自後凡戰必從須陁先登以爲常煬帝遣使圖其狀上于內史後須陁爲李密所殺士信與裴仁基歸密素相結好仁基卒爲出財斂塋北邙期異日我死當墓其側俄署總管卽統所部討王世充羅馬突進身被重創見獲世充愛其驍勇厚遇之與同寢食後又得酈元真等稍見疏斥乃率所部千餘來降拜陝州道行軍總管每與世充戰出爲先鋒入爲

麋後有獲悉散戲下脫衣解馬無吝以故士咸用命然持法嚴至親舊不少貸其下亦不甚附師次洛陽攻千金堡堡中人罵之士信怒夜伏甲遣人携婦女嬰兒啼諫堡下詐言自東都來投羅總管堡兵開門追掠伏兵入屠之無類東都平授絳州總管封郊國公從秦王擊劉黑闥得洛水一城卽命據守賊悉衆攻之會大雪救兵不得進城陷被執黑闥聞其勇欲用之詞色不屈而死年二十八王隱悼購其尸諡曰勇如所志塋焉

李育德趙州人祖諤仕隋通州刺史世爲名臣家富于財僮奴指干天下方亂私完鎚甲保武陟城人多從之推以爲長劇賊來掠不能克隋亡與柳燮等歸李密僞署總管密破來降授陟州刺史兄厚德復被賊執許以招育德得不死賊帥段太師囚之令裨校以兵守厚德陰得其譖與州人賈慈行密謀逐賊慈

行夜登城呼曰唐兵登矣厚德自獄擁羣囚譟而出斬長史衆不敢動太師縋城走卽拜殷州刺史厚德省親留育德以守引兵攻賊拔河內堡三十一所世充怒悉銳士攻之城陷兄弟皆沒時有李公逸者與族弟善行居雍丘以義勇爲衆所歸始附王世充策其必敗獻款高祖因其地置杞州卽拜總管封陽夏郡公以善行爲刺史世充遣其弟世辨將徐毫兵攻之公逸請援未報因使善行城守身入朝言狀至襄城爲賊邏送洛陽世充問以越鄭臣唐其事可怪答曰今之天下惟聞有唐不聞有鄭賊怒斬之善行亦死帝悼惜封其子襄邑縣公又襄城人李善相大業末爲里長督鄉兵迹盜爲衆附賴遂據許州奉表請見許州以來詔卽授伊州總管王世充攻之屢困賊遣使請取朝廷未暇會糧盡衆餓死善相謂僚屬曰吾爲唐

命君等無相死。斬吾首以下賊可也。衆泣不肯曰。與公
同死。愈於獨生。城陷被執。罵賊見殺。高祖聞之。嘆曰。吾負善相。
善相不負吾。乃封其子襄城郡公。

冊曰。煬帝罪言誅刑最慘。江都禍敗。獨夫破膽。士氣消磨。
不存一線。曷怪唐興無忠義傳。

敬君弘。絳州太平人。齊右僕射顯雋曾孫。武德中爲驃騎將軍。
封黔昌縣侯。掌屯營兵。守玄武門。加授雲麾將軍。建威。旣死。左
右皆散走。獨君弘挺身出戰。其部下止之曰。事未可知。當且觀
變。待兵集成。列戰未晚也。君弘不從。與中郎將呂世衡大呼而
進。命遇害。太宗卽位。甚嗟賞之。贈君弘左屯衛大將軍。世衡右
驍衛將軍。各官其子。

高叡。雍州萬年人。祖頴。隋左僕射。父表仁。穀州刺史。叡少擢明

經遷通義令有治績人刻石載德累官至桂州都督加銀青光祿大夫轉趙州刺史封平章縣子聖曆初突厥默啜來寇馭嬰城固守長史唐波若見城圍急潛謀應賊馭覺之自殺不殊俄而城陷與妻秦氏俱被執默啜出寶帶異袍加其身更令招喻諸縣未降者馭目視秦秦曰夫受天子恩當死報賊官爵何足榮遂瞑目不語賊知不可奪皆殺之則天聞而歎息下制誅波若家口籍沒贈馭冬官尚書諡曰節妻封國夫人子仲舒博通經史尤明三禮及詁訓之書神龍中爲相王府文學甚敬重之開元中累授中書舍人與同僚崔琳深達政理侍郎蘇頲每詢訪故事嘗語人曰故事問高仲舒今事問崔琳何所疑後終太子右庶子

許欽寂與弟欽明俱紹孫萬歲通天元年欽寂襲祖爵爲夔府

長史值契丹入寇詔爲隴山軍討擊副使戰于崇州爲鹵所禽
賊方圍安東脅令說屬城未下者適都護裴玄珪巡城下欽寂
大呼狂賊天殃朝夕當滅幸謹守勵兵以全忠節賊怒害之武
后下制褒美贈蘄州刺史諡曰忠錄子輔軋左監門衛中候仍
爲海東慰勞使使迎柩還葬欽明亦以軍功擢左玉鈐衛將
軍安西大都護封鹽山郡公萬歲通天中出爲涼州都督授金
紫光祿大夫嘗輕騎按部會默斃兵數萬奄至欽明拒戰久之
力屈被執脅與偕至靈州使說城中早降時賊營四面阻水惟
一路得入欽明至城下欲通城內選將出兵乘夜襲賊悉賊覺
之乃爲隱語環城大呼曰有美醬乎有良漿乎急用快乞一枝
城中無寤之者遂見害一時兄弟皆死王事世莫不嗟異之
成三朗幽州漁陽人爲左豹韜衛長上果毅從李孝逸討徐敬

業以爲前鋒戰於高郵官軍敗績被擒送于江都賊黨唐之奇
給衆以爲李孝逸三朗大呼我是果毅三朗不是將軍孝逸官
軍已圍爾數重爾破在朝夕我死妻子受榮爾死家口配沒終
不及我之奇怒斬之後贈左監門將軍諡曰勇 又有尹元貞
者瀛州河間人爲曲阿令聞敬業攻陷潤州率兵赴官軍戰敗
被擒敬業臨以白刃脅令附已將加任用元貞詞色慷慨竟不
之屈尋遇害贈潤州刺史諡曰壯

王孝傑京兆新豐人少以軍功進儀鳳中累至副總管從劉審
禮討吐蕃爲所執贊普以貌類其父得不死居敵中久悉其虛
實武后時還爲右鷹揚衛將軍長壽元年拜武威道總管與阿
史那忠節討吐蕃克龜茲于闐疏勒碎葉四鎮后嘉之謂近臣
曰昔貞觀中四鎮皆屬朝廷其後不善守棄之吐蕃今故土盡

復孝傑功也遷左衛大將軍明年進夏官尚書同鳳閣鸞臺三
相判清源縣男證聖初復爲朔方道總管與吐蕃戰不利免官
遷天中契丹李盡忠孫萬榮叛詔起爲清遠道總管將兵十八
萬討之軍至東硤石谷遇敵道隘賊衆孝傑率銳兵先驅出谷
整陣與戰而後軍總管蘇宏暉不至爲賊所乘軍潰孝傑墮谷
死士相蹂且盡時張說爲節度具陳孝傑乃心國家敢死深入
以少當衆雖敗功猶可錄乃贈特進追封耿國公錄子無擇爲
朝散大夫後至左驍衛將軍遣使者斬宏暉已立功遂贖罪
蘇安恒冀州武邑人爲人博學善文明周禮春秋左氏傳性鯁
直忠讜自任大足元年投匭上疏武后曰陛下欽先皇之顧託
受嗣聖之推讓應天順人二十餘年豈不思虞舜褒裳周公復
辟事乎今太子孝敬春秋旣壯若使統臨宸極何異於陛下之

身又不但如大禹之親族成王之猶子也。且陛下年德既尊。機務殷重。浩蕩心神。何不自怡聖體。自昔明王之理天下。不見二姓而俱王者。今梁定河內建昌。益得封蔭。而皇孫二十餘反。無寸土。恐千秋萬歲後。未爲長策。請退諸武就公侯位。任以閑散。而用要衝都督府。分王諸孫。縱年尚幼小。未閑養人之術。請擇立師傅。養成孝敬之道。他日夾輔藩屏。豈不美哉。疏奏后召見。賜食慰諭。遣之。長安二年。又疏。忠臣不順時而取寵。烈士不惜死而偷生。君道不明。忠臣之過。臣道不軌。烈士之過。雖唐堯虞舜居其位。而共工驩兜在其間。阻骨肉之恩。傷子母之愛。聖情以運祚將喪。極斯大節。天下謂微弱李氏貪天之功。今年在耄倦。忠言莫進。姦佞成朋。夔狄紛擾。居害黎庶。臣聞天下者神棄文武之天下也。有隋失馭。親事戎參。削平寓縣。龍踐宸極。歟。

血指河。非李氏不王。非功臣不對。陛下自坤乘軋。實唐舊基。東
宮昔在諒陰。相王又非長子。特貪寶位。以枉神器。將何以教天
下。母慈子孝。移風易俗乎。又何施顏面以見唐家宗廟。謁大帝
墳陵乎。誠能高揖機務。自恬聖躬。無致鐘鳴漏盡。物極罷滿。後
日國史書之。樂府歌之。斯爲盛事。臣誠不惜一朝之命。欲安萬
乘之國。陛下若以爲忠。則稍輟萬機。擇是而用。若以爲不忠。斬
取臣頭。以令天下。疏奏不納。明年張易之兄弟構魏元忠。安恒
抗疏申理。曰。臣聞有含天下之量。而後能進天下之善。有濟天
下之心。而後能除天下之惡。若爲君上而不行此四者。則當神
寬鬼怒。陰錯陽亂。欲使國家榮泰。其可得乎。陛下革命之初。勤
於庶政。親總萬機。博採謀猷。徬求俊乂。故海內仰爲明主。暮年
怠於政教。讒佞結黨。水火成災。邪正莫辨。訴訟含冤。豈陛下昔

是今非蓋居安而忘危也臣竊見魏元忠廉直有聞位居宰輔
履忠正之基者用爲龜鏡踐邪佞之路者嫉若仇讐易之兄弟
在身無德於國無功自當飲水懷懼酌水思清夙夜兢兢以答
恩造不謂谿壑其志豺狼其心欲指鹿而獻蒲先害忠而損善
元忠必無不順之言易之乃有交亂之意自其下獄之後忠臣
烈士撫髀竊嘆鉗口而不敢言者皆懼易之等威權恐受戮而
虛死耳今蒞奚強盛徵斂煩重萬姓不勝其困又聞禁錮良善
刑賞失中恐遐邇生變四裔因之窺覘得失爲邊郡之患百姓
因之結聚義兵除君側之惡逐鹿叩關爭鋒問鼎陛下卽何謂
以謝之臣願收雷電之威解元忠之網復其爵位君臣如初若
易之等佞臣陛下縱不能斬請奪其榮寵剪其羽翼無使權柄
等驕橫日滋疏奏易之等怒欲遣客刺之賴朱敬則桓彥範

知古等保護得免神龍初爲習藝館內教武三思誣以預節
愍太子之謀下獄死睿宗知其冤贈諫議大夫 又俞文俊荆
州江陵人載初間新豐因風雷山移奸人奏以爲瑞武后信之
改名慶山四方畢賀文俊詣闕上書臣聞天氣不和寒暑併人
氣不和疣贅生地氣不和地阜出今陛下以女主處陽位反易
剛柔故地氣隔塞而山變爲災乃今號稱慶山臣以爲非慶也
臣愚謂宜側身修德以答天譴不然恐殃禍隨至后大怒流于
嶺外爲六道使所殺

冊曰安恒王言文俊一疏雖知無益自奮不顧思存天理
以康國步

安金藏長安人隸太常工籍天后稱制號睿宗爲皇嗣禁人私
謁自少府監裴匪躬中官范雲仙死後公卿以下不復得見惟

優給使得進長壽二年有誣告皇嗣異謀者后召來俊臣問
狀左右畏其楚毒爭欲引服惟金藏確然無詞大呼謂俊臣曰
公不信我言請剖心以明皇嗣之不反也卽引刀自刺腸出破
地因眩而仆后聞大驚令輿致禁中命高醫內腸胃褫桑都紕
之闔夕始蘇后臨視嘆曰吾有子不能自明不如爾之忠也卽
詔停獄睿宗始獲安當是時朝野士人無貴賤大小合辭稱其
誼咸自以爲弗及也神龍初母喪塋南闕口廬于墓側營築晝
夜弗息地本卽燥泉忽湧流李冬有華鹿兔馴擾本道使盧懷
慎上其事表闕于開景雲時遷右武衛中郎將玄宗卽位下詔
褒美屬其事於史官擢右驍衛將軍爵代國公仍饒其名泰華
二山以示不磨壽終令配饗睿宗廟廷大曆中贈兵部尚書諡
曰忠錄子承恩爲廬州長史中和中擢其遠孫敬則爲太子右